



雲臺新志

ル 5
1103
3



1103
卷 3

雲臺新志卷第六

城村

南城及西路鎮湖南各村

鳳凰城

李普元東海志卽東海城俗名南城張峰州志舊
有大小二城宋寶祐中賈似道獻捷時築西南控
海東北抵山實爲重鎮恃此以勝金大城連接小
城東南二面通爲一城周十三里皆砌以石有東
南北三門明洪武元年調官軍鎮守十七年設立
淮安衛中前千戶所千戶黃壽等守禦永樂十六



年淮安衛指揮僉事周得辛增高二尺五寸並女
牆高二丈二尺五寸城舖二十五座又有東南水
關東西二門以南有池深八尺闊四丈東西二門
以北因山爲險弔橋三座在東南北三門外陳宣
州志康熙十六年開復東海移守備守墟溝留把
總一員守東海城今按城已殘缺乾隆初設東海
營都司駐劄於此又按東海一縣自六朝以來屢
廢屢置建置隨時則崇墉設防其來已久舊志以
爲賈似道築不知宋元徽中劉善明已累石爲之
高八九尺矣似道特因而崇之耳

國朝管幹貞海東雜詠九首

松崖詩鈔

小汶縱橫一葉船鳳凰城下不成川漫驚雙鬢
如霜白三見栽桑已果然

學仙那見得身輕只愛茲山不世情故里曾無
居一畝妄思海外買田耕

郁洲彌望盡汙萊一綫潮河曲折開新借水衡
錢滿屋餘鹽爭買雪千堆

橐鞬歲歲誠防秋年少英雄總白頭誰道古來
良史筆只知李廣未封侯

連環方陣安安排幾個呈身出等儕陞到教師

難領隊上堂隨眾謝銀牌

伐石為牆近水家不會映日見瓢花蚶田秋獲

炊紅飯魚甲潮來帶白沙

山空底問列仙耀受任應求牧與芻或者披沙

終揀得肯教衛霍没人奴

排日霜晴木葉晞山風過澗拂行衣魚游荇藻

潏洄逝鴈戲蘆灘拍鹿飛

拾級登臨下磴輕住山即有愛山情山靈也惜

青青麥故灑甘霖與送行

阮元夜宿海州雲臺山東海營次日閱兵

聖經室集

雲臺山下結軍轅弓矢鉏犁共一屯田已為桑

原是海營惟種柳半成村潮頭沙影猶清淺月

底巒光更渾淪認作家山安穩住山名與余字合今宵

有夢到三元峰頂有三元宮

石臺高處起朝暎殘雪平分嶺脊痕陣合呼槍

蓮谷響射回卷旆帶煙翻休因鯨戮成京觀遂

遣鷹遊馳海門為語胸東諸部曲水仙容易有

孫恩昔年蔡逆窺上海此地鷹遊門曾戒嚴

決河曾向郁州奔碧海渾波共吐吞東去淮沂

頻奪路西來蒙羽尚連根誰分賈讓三條策得

溯張騫萬里源若與黃流較原委此山遠欲抵

崑崙

謝元淮鳳凰城

養默山房詩藁

北城倚天馬南城跨飛鳳鶯遊列前茅胸嶺為

後從海疆形勝區資此為犄控不意賈平章馭

邊知操縱迄今七百年防海藉倚重大海不揚

波豈慮潢池弄異哉荒島夷求市何夢夢時有嘆咭

喇夷船駛至上海求市將軍下戈船挽強皆命

中哨海如合圍感淺驅入甕封豕已就屠江華逆瑞

勦除新盡窮鯨將焉用不殺體天心得竄宜速狝墟

溝好屯兵一夫當萬眾

大海東徙舊設卡隘皆遠惟墟溝營逼海最得

形勢之要宋武覆孫恩李寶遏金闕處置貴得宜莫

為虛聲恐

新灘

崔志亦名于公曠東海城北十里竈丁居之因于

公曠舊池潮廢移鋪於此

當路村

東海城北十三里民竈雜居村北四里有明總兵

官王鳴鶴墓華表猶存

大義村

李志亦名兌村俗名大村顧志東海城北二十里民竈雜居謁雲臺者必由此

國朝金翀暮抵兌村作

吟紅閣詩鈔

風掃纖雲月露痕道傍石劍暗疑門肩輿差比吳船穩一路看山到兌村

徐瀆場

顧志本場初設於徐瀆浦

大村西北

嘉靖十八年後為

海潮所侵移建大村

今併板浦場轄

小村

李志大村北五里

巨平村

李志去小村十三里

新縣村

崔志相傳為東海縣治城址尙存顧志去鳳凰城四十五里謹案東海一縣屢廢屢建六朝以來為東海縣為鬱縣為都昌縣為安流縣又分置廣饒縣詳見史志新縣故城或即分置之廣饒縣歟

國朝張立圻過新縣村

養存堂集

削瓜山色向人青小縣會開舊訟庭遊橐偶攜寰宇記愛從野老辨圖經

牛王廟

李志在新縣龍山下顧志去諸季村五里

諸季村

顧志即諸韓村去諸曹五里崔志在牛王廟東

東路鎮湖南各村

諸吳村

崔志俗名猪嘴顧志在東海城東北七里

水流村

李志東海城東北十里坐蒼梧山南麓

關中村

崔志俗名關裏有前關後關兩村顧志水流村東

北五里四山迴合注水灌田此村民勤土沃若盡

力溝洫無異江南塘田也

于公曠

李志在關裏東南相傳為漢于定國故里今皆斥

鹵竈丁鋪池產鹽崔志于公曠近被潮漫池產俱

廢移鋪西路之新灘

凌洲村

顧志關中村東北五里

國朝吳之椿凌洲

樗圃詩略

漸覺人煙近村居水一灣溪喧多漱石屋矮不
遮山稚子驚行客獨兒臥掩關過橋循鳥道努
力費躋攀

山東村

顧志凌洲東八里崔志凌洲山東二村近因對口
溜渡淤塞之後行人取道由中正入小海陸路直
接雲臺此二村遂為登清風頂之東路

塔兒灣

崔志在山東村東山上有塔

東磊

崔志俗名磊裏即石礪山山下泉石之奇花木之
盛為雲臺東路勝景第一

國朝程塾三磊石

皴青室
吟草

何年此拋擲欵立不可直著地根半虛高約丈
五橫十尺巔頂一角險且危上載二石匪所思
其一突出竟欲墮復壓一石穩無移三縫缺齧
饑虎呀舉而上之皆曰奇祖龍難鞭策愚公技
莫施運弄殊不易幻術非人知神靈屑屑豈為
此大抵山精遊戲耳

漁灣

崔志在東磊之東上有三龍潭及瀑布諸名勝與東磊並著

國朝吳進漁灣

詩一詠軒

蟬語斷人聲山深秋樹老門徑曲以幽園林依石島澗水灌田禾雲崖長藥草天清海氛消層層見嶺表

程鎖漁灣

莞然山房詩草

撼樹風聲點徑苔繞村修竹傍籬栽雲中茅屋緣山築畫裏柴門背水開詩酒能消閒歲月煙霞欲洗舊塵埃小橋雨過泥猶滑笑指鄰翁策

杖來

諸麻村

崔志明王評事規故里顧志山東村北十三里

隔村

崔志本名隔峰村在諸麻北隔峰山下顧志去諸麻村七里山林清茂田美而無惰農六平開野東

諸曹村

在溪雲山下顧志去隔村五里而北又遠一里北城及西路鎮湖北各村

墟溝城

顧祖禹讀史方輿紀要在海州城東北崔志俗名
北城卽墟溝營寨在石城村東一里陳州志舊壘
并女牆五十七座高一丈四尺面七尺基廣一丈
八尺周三里九十步東南西北四門永樂十六年
指揮僉事周得辛增加三尺康熙十六年開復東
海移守備一員把總一員駐此今案此城亦圯舊
設水師都司有都司署乾隆初移駐都司於南城
仍留把總外委各一員駐此

平山村

顧志去諸韓村三里由萬金堰過湖是爲平山村

石城村

崔志在舍利山南顧志平山村北七里

海頭

崔志墟溝城北一里近海

西石村

崔志一名西墅在石城村西北七里

明潘琪西石村

海邦文
獻拾遺

竹暗魚腥海市涼瘴煙蜃氣野城荒連山古戍
人家少蚌殼成堆亂補牆

東路鎮湖北各村

沃壤村

崔志在沃壤山下一名五羊村顧志由萬金湖堰北過劉太監碑亭又轉而東乃沃壤村也

宿城營寨

陳州志周一里四十步女牆三百十二堞高一丈五尺東西二門基址猶存

宿城村

顧志自沃壤村直東七里至虎口嶺北始抵宿城四面崇山環抱惟虎口嶺仄徑一綫纔通人行

國朝唐仲冕宿城早發

陶山詩鈔

曉光山色影交加盡是巖居谷汲家深澗護田
多旅穀寒雲養洞有團茶秋潮已落沙隄闊野
燒初開石徑斜海上居民自淳古那知鶴蓋與

烏紗

東山村

崔志卽孫家山顧志墟溝營東七里近海

艾不城

太平寰宇記在東海縣北二十四里相傳田橫避
難漢使艾不追橫所築後晉移贛榆縣於此北齊
天保初省今按此城不知所在故附於末

謹案東海諸村有澗泉林芴之饒其穀宜稻鄉民不入城市亦無打門之吏最爲樂土舊有東海十八村村村出賢人之諺唐陶山方伯引入州志今自票鹽盛行以來山麓居民倍享鹽利康衢鼓腹皞皞如也道光壬辰乙未之歲宮保陶公兩度躬臨風氣益茂去冬入

覲時從容敷奏偶及雲臺山下瀕海村落物產豐饒民氣淳樸雞犬相聞有唐虞熙皞氣象

聖心大悅

霽顏垂諭云此地甚好竟與前人所稱桃花源光景相同矣恭維三元福地仰邀玉音洵屬名山嘉會而民之質矣日用飲食其亦思含醇飫甘之所自來乎

命... 之... 自... 來...
 正音... 會... 而... 之... 實... 矣... 其... 亦... 思...
 同... 矣... 恭... 對... 三... 天... 而... 此... 數...

雲臺新志卷第七

勝蹟

上

三里巖壑園亭

十八盤

崔志在竹節嶺上姚陶遊雲臺記石砌迂迴盤上
 為第一天門前有湖壑土官可門可坐
 南天門... 人至此與愚共思蘇... 小... 而...
 在雲臺半山登峰者由第一天門入山穿十八盤
 磴道迴旋而上所謂竹節嶺也約五六里仰見林
 樾蔚然一關聳峙是為南天門攀緣而登衆山皆

雲臺新志 卷第七
十一
小其地中高而東西低西爲竹節嶺香鑪峰南爲
孔雀溝遙望胸山大伊伊盧諸山若列屏幃而三
元宮海曙樓金碧相輝縹緲雲際如蓬萊樊桐可
望而卽行人至此輿馬并乏思藉石小憩而武安
宮適當其險前有照壁上有石門可以坐臥好風
泠然覺兩腋欲飛頓增濟勝之興故又名風門自
此至九龍橋皆羊腸石徑螺折而下漸趨釜底約
三里許至茶庵又稍憩過橋則箭霞御風拾級聚
足循二十四氣度七十四級上與天際俯視南天
門青搖翠鞞若閭闔欲開矣

國朝謝元淮由第一天門至南天門

養默山房詩藁

景 日高嵐氣淨巉巖露清挺雜花滿來蹊漸涉幽
僻境天門門九重循行路初引馬踏亂石間喘
汗不能騁平視香鑪峰高躡竹節嶺未覺登頓
勞暫休氣轉猛清飈颭然來閭闔凌虛迴一覽
萬山低滄波涵溟滓

海曙樓

顧志坐金牛絕頂五更可觀東洋日出謹案海曙
樓始建於萬歷丁亥一名望日樓乾隆初江都程
鏊有詩云絕巘有樓今瓦礫殘碑無字已莓苔則

此樓之圯久矣道光壬辰兩江總督
宮保尚書陶公巡歷至此倡捐選匠重建飛樓上
下兩層各三間既親題樓額又系以銘皆壽諸瓌
珉并書聯句云曙色正平分聽萬籟無聲已覺人
來天上樓光開四面看一輪初上始知身在日邊
今懸於樓上翼以官廳三間西廳三間其外爲大
門三間舊從三元宮至海曙樓石路犖确今則寬
衍坦平隨坡紆盤而上攬勝者使之金牛爲雲臺
最高處此樓又踞金牛之巔當夫天雞初喔湛露
方濃東望樽桑翔陽已上淘天下之壯觀也

國朝陶澍海曙樓銘

石刻

中國山川盡於東而離照卽生於東天地所以
成始而成終故觀天地之大於海觀海於日出
觀日出於臨溟峻極之山所居高則所見大未
則反其本矣九能之士登高能賦山川能說可
以爲大夫而禮仲夏之月君子則以居高明遠
眺望豈非觀聖人之道必去耳目之近而返從
其朔者哉雲臺山踞東海中其脈來自岱宗故
與日觀峰對峙又隔海爲成山島則登萊斗入
大海秦漢所祀日主處爲古寅賓出日之所相

望鼎立而皆不若雲臺四面際海於觀日出尤
奇其可無樓樓其可無銘銘曰

日出博桑聖出東方萬物以昌維百谷王

陳文述海曙樓詩呈

宮保雲汀制府

鬱洲旅
逸詩鈔

卓絕蒼梧頂新成海曙樓寅賓面暘谷甲觀俯
瀛洲紫氣排天闕紅輪漾地毯摩挲承以掌吞
吐小於喉霞彩明諸野煙痕澹數州塵沙銷蠖
蠓島嶼識蜉蝣帆指昆鷲國槎乘博望侯八祠
環漢時二瀆辨淮流設難會傳項雄談欲問鄒
定鍼憑北紐割綫掃西籌有客逍遙過重來汗

漫游落英微雨潤宿麥暖風抽柳岸扶犁犢桑
田拂羽鳩觀文敷夏課肄武畢春蒐埭繼甘棠
謝祠營瑞藥歐神山今再到仙境此中求櫻磊
停青籠芝巖駐翠旂蘿陰翔乳燕松籟應鳴騶
桐柏升香路蓬萊採藥舟玉英隆禮祀金簡重
懷柔東閣賓僚盛南方草木稠魚龍恬屬國麟
鳳參郊極篆結三元鼎珠疑九聖旒翔空兩鴟
吻拜浪六鼇頭嗟我隨羣鶴蕭然泊一鷗道從
鍾呂叩真與魏樊修桓闔推同輩盧敖訪舊儔
消磨身世感蕩滌古今愁鉛汞參同契銅渾考

雲臺新志 卷第十 四
異郵啣花伏獅象獻果立猿猴隱跡尋王烈吟
情約惠休唱酬招李杜贈荅待曹劉日月揮雙
管乾坤豁兩眸經綸齊管仲文字楚莊周抱珥
黃人袂題襟白傅裘星辰千界曉風雨八窗秋
呼吸洪濛接登臨瀕洞浮絳河迴顧兔赤道挽
牽牛呵壁豪情寄憑欄灑氣收樽桑發高詠詩
卷定長留

船石溝

顧志在雞嶺山東北巨石如船懸於溝畔叢篁絕
壁多隱緇流今案船石溝中梨樹成林花時多攜

楹往遊或放爆竹響應萬山繁花簌簌欲動亦冶
春勝境也其梨卽所謂大村封梨味頗清雋

國朝羅珍船石溝

蘊輝書
屋集

地僻棲禪好虛船啟月扃慈航如可度頑石亦
能靈溪暎松舟綠山迎桂楫青此間非陸海遊
棹若爲停

九龍口

卽九龍橋崔志溪流噴薄古木陰森爲入山第一
勝境姚記山上澗水淙淙爲九龍洞山中溪流九
道匯於橋下故名

國朝吳恒宣九龍潭觀瀑布

郁洲山人集

萬壑同趨入滄海長虹半挂青天外虬枝盤錯
 鼓風濤煙雲深鎖神仙界此時遙隔聞潺湲彈
 琴擊筑聲鏗然雲中鸞鳳鳴噦噦簫韶迭奏來
 鈞天須臾轟雷震山嶺虎嘯熊咆更凄緊飛瀑
 突漲湖海翻激湍怒捲山川暝山中怪石多離
 奇隨波亂落流星馳恍惚不知千萬狀心搖目
 眩驚移時祇林重陰蔭華厦停車坐共山僧話
 分明九澗交爭流蒼龍咳唾空中瀉我昔夢遊
 西崑崙河源直下奔龍門雪浪匯歸九派水日
 月倒影疑相吞閬苑層城今不見青山半壁開
 生面層巒東折入蒼梧別有洞天通一綫相傳
 此嶺本飛來丹砂白石凝仙胎巖泉合是瑤池
 脈呼吸潛通晝夜催

吳進過九龍橋

一詠軒詩鈔

珠宮在雲巖長橋跨澗沚闌干白玉石團團雕
 琢美上凌千仞峰下流百尺水石罅挺高樹
 數株垂垂陰四被心骨自生寒不待山風起嶺
 頭下疎鐘引客路迤邐

謝元淮九龍口

養默山房詩鈔

乘高勢忽下幽谷徑可通盤盤入釜底面面立
危峰壑泉匯九道一一翔驚龍奔竄石橋下交
趨聲洶洶草木沾潤澤林樾常青蔥平仲垂萬
綠若榴簇深紅棗栗雜燃柿藤蘿施老松濃陰
卻毒暑披襟喜微風金碧煥天半樓閣出雲中
卽此神仙宅何處尋方蓬

孔雀溝

顧志在蒼梧山東太平觀側深崖巨壑形似孔雀

國朝張新標孔雀溝

東海志

筍輿初擇徑山鳥向人呼草蔓蛟涎出壇空佛

火枯攜筇雲到榻掃箒水經厨累石如禪定生
公今有無

天然碑

崔志在三元殿東南天生巨石如碑明唐伯元遊

青峰記勒其上

嘯雲洞

崔志在天然碑東側洞門有石臺洞上雙峰對峙
常生雲霧明杜一璠題乍見天吳四字

朝陽洞

崔志在嘯雲洞側洞中有石臺上供佛像

一綫天

崔志在天然碑上二石相夾高十數丈中露石縫寬尺餘縫中望石外透出一綫天光謹案顧乾雲臺圖有承露石說經臺在一綫天左右

萬嶺

一名萬巖循一綫天而上若登天然俯視羣峰昕夕變態遠望瀛洲縹緲天水相涵每當瑤霧翔風積玉萬里更爲鬱洲勝概非殫松嚼雪者亦不能耐此高寒也

昇仙塔

崔志在三元殿西側高聳山巔直穿雲表

衆樂臺

崔志在三元殿西南大石平鋪可坐數十人

華嚴閣

閣在三元殿之東南上下兩層凡六楹道光甲午新修乙未夏四月兩江總督宮保陶公題曰華嚴閣東海士民引宋時蜀人請留張益州畫像於淨衆寺之例乞奉宮保五十五歲登雲臺山行像於此閣藉祝長生羣上扁聯以抒愛戴凡扁三曰調元種福曰搏桑

捧日曰海隅丕冒其聯句之雅切者曰喜繡甸人
和迓鹿輶雙節宣勞合山海輿情大悅惠孚心悅
慶玉英天賜指龍松萬民介壽願韋平相業長生
瑞比崧生曰積雪飛霜解阜恩深同再造官山府
海調和功大答三元閣下嵌印心石屋詩蒼石刻
於壁翠墨生輝名山增重矣

水簾洞

崔志在三元殿上洞中泉水紛挂如簾明刺史王
同題曰高山流水又題曰神泉普潤姚記由殿東
石徑上一里許爲水簾洞洞中石泉極淺小冬夏
不竭泉甚甘美

華嚴洞

顧志在水簾洞東峭壁陡立飛瀑空懸忽於巨石
中劃一洞天宛然如鑿有鬼斧神工之妙

別峰

崔志在三元殿上東側兀起石峰別開生面向有
別峰庵桃李最盛今廢

竹澗

在孔雀溝上有龍虎石風雲橋相傳向時叢竹滿
山蔚然幽邃今爲樵蘇者戕伐漸成荒澗矣

雲臺新志 卷第七 十一
國朝張賓鶴竹澗

仲謀詩贖

孔雀坡前數叢竹一派清光淨眸綠春雷拔地起青龍赤日行天瀉寒玉稜稜勁節挺神姿雪壓霜欺雨不知此心直與貞松侶不共桃花鬪面皮

松谿

崔志在地藏殿西有睡松二株皆千餘年物雲臺圖上有聽月樓詢之山僧遺基皆不可考矣

屏竹社松

雲臺多松其最奇最古者為蟠龍松已載入靈植門而屏竹社後巖上睡松其奇古略與蟠龍丈人埒故登諸勝蹟以壽之至屏竹社門外有扇面松西坡下有臥松九龍礪中有大松九龍橋有二松東竹園有二松石澗之側巖上一松又屏竹社後巖睡松之上復有直立一松皆輪囷屈盤傲兀自喜洵松中之傑也亦附誌以永其傳

謝元淮雲臺十一松記

養默山房文鈔

天下之松莫奇於黃山人所共知也吾則謂莫奇於雲臺雲臺之松奇矣而最奇者凡十有一又以西澗之龍松為極奇龍松者即窠徐仲車

先生所謂東海大松也當北宋時已稱爲三代時物則奇而壽矣獨鍾雲臺之靈爲萬松祖天矯盤互氣象萬千謂之爲龍固宜而顧氏崔氏雲臺山志獨闕焉道光十有五年夏四月

宮保兩江總督安化陶公巡歷至此愛其奇而壽也呼爲蟠龍丈人作詩美之筆補造化曲折入神足顯其操堅金石三命益恭之狀矣而雲臺松之奇者自蟠龍丈人而外有若屏竹社後巖上一松甫出土卽伏地行十數尺忽昂起分爲二榦其中坼裂一着地一擎空柯葉虬密迴

環紐結不可名狀此卽土人所謂睡松或以西澗龍松爲睡松者誤也屏竹社前坡下有臥松一株偃蹇枯槁就地盤旋時時作攘臂奮起狀枝葉榮而形質朽然奇氣自存屏竹社西一松卽在菴門外搗牆分蔭兩枝上下如扇俗呼扇面松者是也屏竹社後巖間睡松之上復有直立一松亦見孤標勁節詩僧振禪謂其先世老僧手種者霜皮未古而崛奇已露他若九龍橋西二松一在橋之上藤蘿施滿古致翛然人呼爲藤松一在橋之下支離蜷曲與藤松相望又

東竹園西北有松一株凡松皆孤幹獨秀此則
雙枝連上自根至顛齊榮并翠爲交讓爲連理
令人增同氣之感石澗之側巖上一松斜出天
矯亦有潛蚪奮迅之狀而園後一松拔地作鵲
起勢忽弓腰貼地復昂首青雲形如拄杖俗名
拐杖松云其九龍澗大松則在塔寺之左澗中
土氣潤澤軀幹巨偉高七八丈下有僧塔三四
掩映鳴泉幽澗中余以手約之圍一丈三尺餘
此松鬱鬱澗底不以奇著人亦無知其奇者而
自全其天庶可接武蟠龍丈人後天不老歟因

記其略以諗後之撫松盤桓者

謝元淮去蟠龍松數十武屏竹社後崖上復有

一松著地盤繞枝幹虬屈之奇略與丈人埒

殆其匹偶歟因刪薙草萊爲表出之

養默山房詩鈔

物皆有雌雄龍性尤變異豈得松丈人鰥處獨
無配東去百弓餘有松尤善睡偃蹇勢久潛時
露擎雲臂勁節秉貞心林下具風致固宜偶臥
龍唱隨助闔內荆棘爲翦除枝葉劇媵媚執柯
記吾曾雙入雲濤戲

塔院

崔志在山西澗邊俗呼西溝爲雲臺開山無相禪
師墓松楸蒼古亦稱勝境

金牛洞

崔志在金牛頂下一名金仙洞卽二仙洞也中空
如城闔由玉皇閣登海曙樓可穿而入

吳恒宣金牛洞歌

郁洲山人集

乘曉霧兮登仙巒晨煙冥冥兮路漫漫懸崖露
滑不可以立足緣竹木兮登巘岈飛厯險阻數
十丈乃見金牛仙洞之奇觀苔蘚石菌斑駁蚪
蚪老樹荒藤蚴蟻鉤紐據洞口而屈蟠爭偃僂

以振衣漸綽綽而明寬仰觀俯眺杳無極我身
已在青雲端青雲搖搖輕陰覆遮天門兮蕩地
軸恍如洞外羅幔張中有仙翁臥空谷蒼顏綠
髮披雲衣延我幽廬致欸曲長跪問仙翁立身
有何術笑而不與言示我棋一局斯須飄飄入
紫虛身騎青龍挾白鹿感茲長嘯呼罡風珠斗
銀河漸消沒空中喔喔天雞聲下視扶桑催日
出紅霞明滅接波濤蓬島瀛洲若恍惚吁嗟乎
男兒生不能學司馬生名山大川轍跡盈又不
能學向子平棄家五嶽汗漫行閉戶面壁自羈

勒天地應笑無人情何如餐蒼松兮枕白石得
 失榮辱皆不驚龍頭瀉酒兮奠瑤京呼虎擊鼓
 螭吹笙手把芙蓉馭鸞鶴世情掃若浮雲輕或
 言灌莽荒涼天塞地阻蛇虺為羣烏鵲與處鳴
 泉憑憑日吼雷山鬼淒淒夜嘯雨當此誰不駭
 膽慄魄思茫然胡為流連不忍去我聞斯言重
 歛歔百年行樂茲須臾但得布帛菽粟脫無累
 仙人視我何所殊君不見海雲如樓仙人居青
 牛雲際其仙乎

倒座崖

趙續志在清風頂後面北俗稱為北海觀音崔志
 在金牛頂上崖石倒懸倚崖構殿

謝元淮倒座崖

養默山房詩鈔

一龍上山來一佛下山去龍止不敢前佛乃跌

坐住

山後一峰昂首怒立至崖而止俗名上山龍下山佛

萬古海山中煙

雲常擁護昔有立禪僧三年立此處

開山僧無相立山崖

石上

蘭若竟煥然側生垂寶樹

崖傍有菩提樹側生是其遺迹

遂令層巖間鐘聲催夢寤至今遺址存

順治十八年裁

海令下此寺遂廢

瓴甃散草露剏興各有時吾亦隨所

遇來朝看日出清風尋海曙

海曙樓在清風頂傾圮已久宮保

雲訂制府
倡捐修復

立禪石

在倒座崖側趙續志開山僧無相立一石上不避風雨但食松枝如是者三年腳痕深入石骨後所立石傍生菩提一株

濯纓泉

崔志在大村獅子巖下泉水清冷宋石曼卿譚亭甫有題刻

埋雲石

崔志在獅子巖上巨石橫壓峰巔雲生石罅

歎水崖

崔志在濯纓泉下飛瀑懸空裕鈇噴薄明刺史王同題飛泉二字

朝霞壁

顧志在獅子巖上丹崖壁立如映朝霞

紅鶴林

劉兆龍海州志在新縣南山下相傳高阜上有紅鶴棲焉或迎風而唳或鼓翼而舞遠人望之儼如匹錦

蒼狼坡

顧志在諸韓南山

國朝孫讀蒼狼坡

倩螢詩略

南山草色半青黃古木陰森路久荒疑是山中多豹隱土人誤指說蒼狼

三百洞

在諸韓南山東吳進遊雲臺記深曠窈曲上透一隙光相傳為前代避兵處約可潛三百人

卽林園

在諸韓南山蒼狼坡下為吳氏園林老樹數萬株花竹交映望之蔚然蒼郁不見有山也中有碧藏樓鎖筠居浮翠軒水明樓自娛閣示志山房移深庵陋不軒錦繡萬花谷諸勝乾隆中觴詠無虛日今吳氏能世守之

國朝吳恒暹卽林園獨坐

梅嶼存藁

煙嵐何靄靄溪水何粼粼坐愛山水間惟與涼月親混然而中處踞草以為茵琴亦不必彈酒亦不必醇無舍亦無取杳矣空埃塵

吳進卽林園

一詠軒詩鈔

樹木嘉以繁團團在山腹山禽莫辨名飛去自來復幽人事農圃倦則山間宿

家用晦先

生居此日夕

山氣清涼風吹野服事業不在遠循分自為淑

吳之棻浮翠軒澹村詩鈔

開戶對南山蔥蔥自深邃曉烟向日浮滿屋生

空翠

吳之棻鎖筠居澹村詩鈔

疊疊書千卷瀟瀟竹萬竿綠筠深鎖處搖落一

庭寒

吳之棻錦繡萬花谷澹村詩鈔

谷口羣芳好三春鬪豔陽野花相向發雲錦織

天章

田橫岡

元和郡縣圖志作田橫固在東海縣北五十七里

太平寰宇記在東海縣東北六十一里崔志在隔

峰山內顧志相傳田橫避兵於此尚存古祠址北

環峻壁南繞石城其路僅通一綫可容五百人

七十一福地

顧志在隔村西北山中為長春庵遺址石刻有天

下第七十一福地字相傳元時邱處機曾居此

金錢巖

顧志在溪雲山下

雲臺新志 卷第十 名勝 一
清霄洞

顧志在溪雲山上爲蓑衣道人修真處唐州志此爲蓑衣師者張志朴宋末頗著仙蹟

張賓鶴清霄洞

仲謀詩贖

只有恒河照鬢絲誰從海上問安期今朝偶入清霄洞好乞刀圭共肉芝

雲門

顧志在溪雲山陰雙峰高並中割若門

金剛巖

崔志在宿城山中巨石陡立宛若金剛

仙人屋

宿城之金剛巖碧側青斜略通樵徑爲向來遊屐所未經絕頂有洞曰瓢崖顧志崔志俱遺之今宮保兩江總督陶公巡歷至宿城親登其巔改名曰仙人屋磨墨數升題詩石壁此屋戶牖天成巧奪意匠疑造物之有心示奇凡修三十六尺廣六尺崇十二尺厥門西嚮入門而東則迴曲轉南瓊戶別開下凌鳥道屋中橫石如案可度數百卷書其傍闢牖嚮明修六尺崇二尺四寸錢塘陳文述比諸華嶽之玉女窗屋有重檐絕非人間斤斧迹

地潔甚無纖塵石罅茁香艾青葦數叢吐芬含潤
噉之而甘豈仙真福地隱顯固有時乎

陶澍題宿城仙人屋

有序
詩帖

法起寺北有瓢崖洞石竅嵌空方廣若堂奧
有門有窗有案洵天巧也因名之曰仙人屋
繫以四絕句道光乙未四月廿六日

奇石立空青懸巖瀉飛瀑白雲來往間中有仙
人屋

屋好揭雲窗琳宮玉女房

陳雲伯名其窗曰
玉女子爲書之

令阿母見應識小東方

琪草出林香茯苓和露煮萬古此深山石牀不

知暑

琴彈風入松潭冷龍欲起借問仙者誰樓上華

陽子

仙人洞

在宿城山凹道光乙未

元淮

從

宮保兩江制府

陶公登高公島踰沙嶺而還平灘山腳豁開中開
欲探其奇側身采入其中天光俯映窅窞深空足
容三四十人廣約八九十尺洞門外石紋如古篆
籀其旁叢石矗立如屏風然經數千載潮汐漱激

多似蜂窩螺旋天然奇古紆譎窠隆千態萬象顧
崔二志僅標洞名未能疏其勝概也

留雲嶺

一名湖口嶺在沃壤山之東爲入宿城要道土人
呼爲虎口嶺道光乙未孟夏

宮保兩江總督陶公巡歷海上駐節宿城之法起
寺改此嶺曰留雲并繫以詩

陶澍留雲嶺

詩帖

爲霖四海心處處望雲駐仙山海氣深此是留
雲處

留雲亭

崔志在悟道庵後

龍湫

在法起寺東溪水澄碧游魚聚泳巖上有龍王廟
祈雨最驗每遇盼澤時以淨瓶取水必得異鱗一
二宮保陶公題額曰靈液播雲

臥牛嶺

崔志在宿城山側形似牛眠

瀑布泉

顧志在法起寺側

鳳凰石

崔志在法起寺側石形似鳳

無梁殿

崔志在高公島西山

釣魚臺

卽孫家山危巖壁立怪石星羅潮生則波浪環湧
此臺屹然俗傳蕭望之常釣於此今案釣臺有隋
王謨宋趙東金宋蟠明郭鉉題名詳見金石門

蓮臺

雲臺山圖在孫家山觀音堂側疊石簇纍形似千

葉蓮花

佛座崖

崔志在舍利山陰面臨大海片石莊嚴宛若佛座

龍潭瀑布

崔志漁灣山中有龍潭三日老潭二潭三潭相距
數武瀑布疊挂噴及數十丈外

吳進遊三龍潭記

一詠軒
文鈔

越楊家林北入山徑行三里山險而四開者爲
三龍潭潭上巨石如梁自北達南約四丈水從
巨石橫落涓滴似珠簾潭左有立石高三丈石

雲臺新志 卷第七
三
脣外拓入其下如處露棚遊者值雨可避潭中
魚數頭瘦黑土人謂石鯽也予坐石上觀之有
白鴿飛來入潭邊石穴俄復三四飛出命童子
善水者抵潭穴探之洞然深黑風自內出寒氣
砭人肌骨童子不能入也久之予亦辭去

吳進三龍潭

一詠軒
詩鈔

瀑水橫空來日夜自噴薄潭深水氣黑下有老
蛟託清列絕遊鱗瀾漫驚叢錯岸草無冬春巖
花白開落呼童浣銀槎選石坐以酌

吳進遊老龍潭

一詠軒
詩鈔

斧劈峭巖險一綫路乍通潭寒風颯颯其上挂
白龍噴怒湏急下中有峭石雄激轉復奔放此
去安所窮傾險覺膽懾當春失和融高障愁昏
暮出谷日色紅

程塾飲三龍潭側作

絨青室
吟草

石脈迸雲花巖罅瀉古雪傾注碧玉盤不滿不
欹跌嵌竇團瑤池赤日倒靈窟俯窺虛無底百
丈探龍穴有石拱鼇背其陰凹若笏環坐失青
天圓光面晶澈藉爾一瓢飲濯我三寸舌清可
潔肺腸甘宜澤毛髮具此山林資那羨雙眉骨

何當良夜來看澈潭心月

程鑿老龍潭觀瀑布

皴青室
吟草

步經石門限坐息青崖底努力涉險艱斯遊吾
不悔舉頭接杳冥峭壁削面起有石覆其巔流
出一綫銀作矢射入灣濶爭喧逐飛灑迸跳無
此理冰花雪蕊玉玲瓏明知是水疑非水潭復
有潭高低噴此吞彼吐相遞奔泉流倒瀉地軸
裂砢碎洸潰江海翻狼牙礮礪走破碎翠冷青
寒雨色昏孤雲不敢過飛翼畏臨空但見軟痕
疊碧車鳴輪殷殷轟轟愁靈靈神物變化鮮人

知我今放膽試一窺失聲大叫呼老龍不知老
龍安在哉同來二三子搖指出舌戒勿語據云
此物晝貪眠慎勿驚噪觸其怒少焉樵散客思
歸百丈孤懸誰是主撫膺長歎再遊難瘦竹斜
拖毛髮古子齒缺落近七十廿載尸居環堵室
塵厭次宗勞性嗜王濛逸未擬入山同少年筋
骸輕捷勝於仙霍然愈衰疾往還若有術心知
省悟口默默扶持合是神明力

漁灣山莊

在漁灣三龍潭下舊爲方氏別墅垂楊繞徑疎篠

雲臺新志 卷第十
穿牆頗饒泉石之趣中有月到山房學稼軒十梅
書屋諸勝今歸南城武氏

國朝方湄漁灣賦

并序
漱林集

漁灣在雲臺山塢中昔爲漁人泊舟所予祖
父除榛莽葺廬舍安排泉石山之生面一開
子不敢忘先子釣遊之意爰作賦曰

漁灣者郁洲之一曲也峰徙蒼梧波連蓬島地
軸孤懸天池灑淼漂沙掣石鼓泱泱之洪濤浴
日浮槎幻仙靈而縹緲結茅誰復邴原採藥空
思坡老蜃市偏多犀軒絕少天低孤嶼一竿垂

漁父之綸雨暗危檣五兩泊蟹人之棹無何而
滄洲波徙又變桑田五疊鼇愁精衛之冤沈頓
改三看水淺麻姑之塵起非前蠟屐支筇客向
丹霞嶺上疏泉鑿石人尋綠玉灣邊洵乎有歸
盤之樂何惜夫買山之錢惟我王父于焉登陟
燒薤菑畬剪除榛棘背巖岫以褫袂開林泉而
釣弋聊充魚戶之租頗足狙公之食一庭月到
井梧之新影層層十樹梅開紙閣之寒香默默
提壺人至青鞋踏花雨以俱來學稼軒開綠野
襯香畦而一色且未暇數夫澗谷之奇觀而先

狀夫園林之佳植其樹則老柏千尋枯杉十畝
皮裂半皴腹僵全剖或獸攫而夔睽或龍挈而
蛟吼儼膠臈之虬螭若陸離之蝌蚪其石則脂
凝五色秀可一拳幾認媧皇之煉還餘嬴政之
鞭虎自何年躍向將軍草畔牛從飲處恍逢織
女機邊嶺頭崎嶇何多仙子叱來陣陣澗底鱗
峴無限高人漱作漸漸若夫巖名拜佛洞號朝
陽歷三危之鳥道步九折之羊腸滾子河邊蜀
客鳴榔而容與西山園畔樵人伐木以徜徉瀉
空青而蔚秀皴古黛而靚妝眺一桁之晴嵐畫

裏黃癡倪嬾陟千尋之峭壁眼前牛鬼蛇王花
鏡石前林篩碎月珍珠簾下茗煮生香則有泉
似布懸崖如掌削爲耕父之潛藏或鮫人所寄
托建瓴百尺銀瀉高峰淨練千層珠噴絕壑天
晴而雨訝沾衣晝暑而涼疑隕籜灣灣曲水觴
可同流細細清波纓堪共濯漣漪徹底何殊印
渚之觀景物怡人不亞濠梁之樂若乃春山感
黛春水生鱗紅綬之桃礙帽青袍之草承襦玉
笛樓中共鶯梭而細囀斑駁陌上映柳眼以初
新短牆開到薔薇翠袖柔萸香浣露野徑攢來

石竹紅裙小袂錦堆茵盤馬之王孫繡鞵踏莎
之遊女香輪社鼓鞦韆旣盈郊而雜沓錫簫蠻
管亦賽會以紛陳及夫綠樹陰濃翠篠風細望
朱櫻之紅綻萬顆星懸看碧沼之花香一簾風
遞山齋寂靜絕無襍穢人來石徑陰森只聽泐
寥鶴唳蕉窗則揮塵而談松院可移牀而憩更
或西山送爽東壁餘暄白露蒼苔之渚碧雲黃
葉之村紫岫煙霏烏柏全酣霜葉金飈月上黃
花正繞柴門斷續寒蛩偏吟古砌聯翩塞鴈又
下荒原倒村甕而酌殘醴醪送夕陽而吟徧黃
昏至於日淡冰澌橙黃橘綠彤雲密布飛成六
出之花綃縠輕裁綴滿千林之玉坐深屋而靜
擁薰爐檢殘編而高燒華燭溪頭獨釣若箇煙
簑橋畔孤吟何來蹇足卻寒有術田家之楫枻
常煨愛日多暄農父之晴簷可曝更若幽破踏
去荒徑行來原頭誰氏之墳野棠自發巖畔何
年之寺寒殿空開斷碣則全埋碧草陰廊則半
沒蒼苔綠感時而念舊亦觸目以增哀僕也心
耽邱壑癖染煙霞樂村居之清邃厭塵市之紛
華閑敲棋子沈醉園花滯墨魚吞時臨溪而洗

硯清煙鶴避亦蒸火以烹茶攜手聯牀或良友
同評花月課晴問雨有村夫共話桑麻喜海上
之波久靜感先人之澤非遐爰自抒其胸臆曾
不計夫疵瑕

常安漁灣紀遊

海邦文
獻拾遺

出東磊北山如列屏平疇東衍彌望無際二十
年前皆海也想見濤喧浪拍噲呖鏗鞳澎湃蕩
潏狀緣崖行五里許抵漁灣新安方景濂置別
業於此名月到山房其室倚山重巒矗其後堂
前雜植果樹繞以短垣北山亘其左側雲臺聳

其右面豁然洞敞目不可盡遠岫如煙縹緲天
外不知其幾千里也屋雖不豐而攬擷闊遠予
甚愛之景濂列山果汲龍潭水煮茗以獻室去
龍潭僅數武景濂命其猶子登鏞導予行叟叟
聞松濤聲出樹杪陡下一坡有石鵠立而垂簷
可數丈中容八九人面瀑布下臨龍潭聲浩浩
始悟松濤卽瀑布聲也其巖側立數十丈廣如
之飛流拂崖下如綫如蛇觸石淙淙然如琴筑
之奏寒氣沁人肌肉爲慄坐食頃日已晡遂別
景濂歸或曰今日之遊未極龍潭之勝也若攀

緣而上有兩壁崇墉對峙中開數十丈長且倍
蕤底平如削中橫小石屏水突石屏過勢益迅
湍飛怒捲真有雪浪排空銀龍出峽之狀循壁
而進壁窮一峰拔地入雲際泉自峰頂出豁訝
噴薄喧豗若雷匹練下懸迸珠上激山風乍轉
雨絲飄揚數十丈外遊人衣履盡濕願少緩一
日之行以盡其勝可乎予爽然者久之復念宇
宙有莫盡之奇人生無必至之境况公事不可
久稽遂行

方洲漁灣山莊記

引蘿軒
文鈔

雲臺東二十五里爲漁灣余家別墅也數十年
前居海中漁人纜舟之所故以名依山構石屋
門環短垣植柳百餘株清風飄拂映帶左右其
東爲月到山房前學稼軒後十梅書屋皆因山
之高下環曲爲結構焉戶東里許爲大癡石峭
壁插空如奇鬼攫人狀子久遺韻宛在目前又
東數武爲龍潭白練飛騰冰珠迸擊炎暑坐其
下凜然寒氣襲人恍置身水晶域也余暇日輒
來遊至春固無日不遊而四方來遊者益衆噫
天下名山大川僻處荒隅者甚夥此山數十年

前棄置海隅一經修葺而泉石花木咸有可觀其山之幸歟抑人之得以遊咏其中為樂無窮也天下奇峰怪石遠在荒隅者亦求之則得耳山靈有知其然余言否耶

吳進宿漁灣山莊

一詠軒詩鈔

海徙去山遠尚有漁釣名

北去有釣魚臺

客來啟石戶

園涉趣以成酒闌夜方半境靜堪娛情月上一庭白露下千巖清札札發遠響山田方夜耕人生不力食貽羞田野氓

程塾過漁灣方氏別墅

皴青室吟草

一肩茶沸竈十里市忘喧犬吠花間竇松開屋後門古潭團碧水奇石立苔痕是處皆堪繫臨山况有軒

拜佛崖

趙續志在漁灣西北山上

石海

歛之黃山蜀之峨眉俱有雲海畿南有樹海貴州鎮安亦有樹海杭之西溪有花海胸之東磊濱海之山也而以石勝飛潛萬狀肖象而構顧志稱其怪石嶙峋雖坡阪中悉如鴟蹲龜伏似猶未足盡

之今品之以海為東磊增故實焉

謝元淮石海

養默山房詩鈔

海水高如山山石多於海磊砢各爭奇是名為
東礪當在混沌初天地涵一水高下勢既分淘
激形未改作此萬狀殊使我心目駭大者為連
峰小者為巾几為屋為燈檠為船為鼎鼐為蛟
蜃魚龍為虎豹犀兕為峽透天光為洞入地底
萬類靡不為想像皆可擬來往人定仙雕鑿工
疑鬼攀援誠好事失足那容悔

子與默深登山尋仙人洞出入

履險默深失足墮雙履

連朝肆幽探奇險無過此夕陽紅

半岑歸鞭指鬼磔

仙人橋

仙人橋

顧志在東磊下相傳有仙人得道於此飛昇

紫丹洞

顧志在東磊洞深可容數人中多異草奇花丹紫

雜映

三峰崖

顧志在東磊西塔兒灣山上三峰壁立高十數丈

麋將軍故里

在關中村即益州院也顧志相傳為漢末麋竺麋

芳遺址

陳文述麋竺故里

鬱洲旅
逸詩鈔

當年麋子仲富過卓王孫能動神明鑒因叨天

地恩西川留雅望東海溯高門一代君臣際嬋

娟小妹婚

麋夫人故里

卽益州院

陳文述麋夫人故里

鬱洲旅
逸詩鈔

金穴諸兄富銖衣小妹嬌英雄無賴日兒女可

憐宵綃帳齊甘后兵書任小喬惠陵誰祔祀白

帝綵雲遙

半山園

在虎窩南鏡子崖下有半山亭竹樹森環林壑幽

邃爲明顧乾兄弟讀書處後久廢圯乾隆中揚州

程杓來遊雲臺置爲別業今歸中正方氏

國朝程杓半山園額跋

樂江
文彙

半山園者明蒼梧野史顧子讀書處居雲臺中

峰之陽地名鏡子崖橫出山半下臨巨澗顧子

構園其上園之中有亭並以半山名舊饒花竹

之勝今成榛莽矣乾隆癸酉冬予以事至海上

登雲臺清風頂俯視山半見佳石林立竹木森
翳危亭欹仄幾不可復支低徊憑弔者久之爰
購其廢址芟夷補苴復還舊觀增架數椽於側
仍顏曰半山蓋雲臺勝概無過此園而地因人
重前輩風流宛然可溯聊成小築以爲重來止
宿地所謂寓意於物而不必留意者也或曰此
顧氏舊名盍易之余曰不然斯崖之在山半不
自顧始自顧亭其上而半山以名顧何容心哉
余卽顧氏之舊復興之亦顧氏志也余但知雲
臺之半山有園園之中有亭在彼在我奚暇問
况園林遷變有時山水時流常在後之視今當
亦如余之視顧烏乎易客領而退遂書以爲跋
程杓半山亭 樂江詩概
雲臺兀海濱峩峩切星漢努力事登頓亭構山
之半遊人憩木杪俛睇辨叢灌當戶延春螺披
雲捲秋幔躡跡想沖襟幽討得壯觀危亭起顏
垣嘉樹聳修幹奇石久榛莽洗滌一朝判仍以
半山名舊額無點竄白雲時往來巖壑續還斷
遠聽寺鐘鳴近愛山鳥喚夕陽滿山凹相將乘
欵段有約定重來茲遊非汗漫

清樂庵

在關中村之東山高十數丈奇峰怪石有似世所
繪壽星者有似玉枕者山鳥野芳多不知名其初
本無樹木後為中正方松別業蒔花種竹近數十
年來夏木千章蔚然深秀蓋曠如而兼奧如之勝
焉泉曰洗雲橋曰渡香中構茅屋數椽額曰半山
水月山腰荷池多開白蓮後面峰巒突兀儼列錦
屏非飛仙不能上西山石出雲竇雜卉繽紛為尋
幽佳境

國朝唐昆基題清樂庵壁

深柳堂
吟草

行近隄邊又澗邊茅龍小築遠峰前石排玉枕
煙痕醒花護銀屏雨氣鮮洗耳汲來雲外水渡
香幻作洞中天為耽清福清逾樂不羨飛仙始
算仙

蟲睫園

在水流村丹霞寺東山下為中正吳氏丙舍高峰
矗雲澗水環抱懸流順山下注土人呼曰貼山溝
園中饒花竹泉石有雲在庵春雨樓言息其廬諸
勝

適野亭

崔志在東海城西山下爲昔時渡海憩息處宋范榮有記今廢石刻猶存案范榮記詳金石門

明蒲墳訪適野亭

東海志

山壓孤亭水接灘亭空適野見應難不緣石壁遺文在祇作荒邊冷地看

晉鎮軍參軍陶靖節先生祠堂

靖節先生飲酒詩云在昔曾遠遊直至東海隅按晉書地理志郁洲於晉世應稱東海而靖節遊蹤於史無考宮保長沙陶公据本集證諸史傳定爲隆安初先生爲劉牢之參軍正孫恩寇廣陵郁

洲時當有往來海上事道光乙未冬入觀

上偶詢海州帶刀佩劍之風宮保謹對以

德教所漸還淳泳澤因及雲臺山後雞犬桑麻太平

景象

天顏有喜謂此境與桃花源何異海州人士逖聽騰歡咸以郁洲近成樂郊實受宮保再造之賜今知爲靖節先生遊蹟所經而

玉音以方古之桃花源適與先生之交相合僉請於

元淮

建祠法起寺左以誌

天恩而昭勝蹟春秋佳日香花競赴并祝宮保長

生衆志既孚子來交勸凡堂三楹修三十二尺廣二十五尺東廊三楹修二十八尺廣二十尺西廊亦如之門題祠額不曰徵士而曰鎮軍參軍者表先生東海之遊原因從事戎幕也膳田有資庖湏悉具俾奉祠者傳諸久遠門前植柳五株環祠多種桃花倚天照海朱霞靄霄雲山倍覺鮮明矣宮保題額曰羲皇上人聯曰此閒亦有南山看雲歸欲夕鳥倦知還風景何殊栗里在昔曾遊東海憶芳草綠溪林花夾岸煙村別出桃源又撰祠堂記及鎮軍建威參軍辨皆親書之壽諸貞珉爲郁

洲增嘉語焉

陶澍雲臺山新建陶靖節先生祠堂記

石刻

海州雲臺山古都州水經注云東海朐縣東北海中有大洲謂之郁洲靖節先生飲酒詩在昔曾遠游直至東海隅卽其地也先生嘗爲鎮軍參軍有經曲阿詩在庚子之前當爲隆安三年己亥其時孫恩起海上寇吳會及丹徒廣陵郁洲間劉牢之以鎮北將軍鎮京口遣參軍劉裕及其子敬宣連擊之先生同時入幕爲參佐時事方殷其往來海上所必有也惟自己亥後先

生自都還游斜川宿塗中據程氏妹祭文則辛
丑七月在江陵聞訃不復至京口不知東海之
游又在何時然詩中所敘如道路迥且長風波
阻中途非涉歷者不知則意者牢之夙擅智略
知此山深阻四面距海慮賊航海據之或先事
規往或聞警差探不必定在舟師同往也而其
後孫恩果竄郁洲執高雅之卒爲劉裕大破之
於此賊勢遂衰是亦未必非先事之籌度也惟
先生從軍司書檄本爲貧仕無意與儕輩爭功
名故曰此行爲飢驅然裕非人臣牢之晚節不

終蓋早已窺見其微故又曰恐此非名計息駕
歸閒居也昔東坡讀述史九章曰去之五百年
吾猶見其人讀先生此詩不可慨然想見其志
乎惜海隅之人無知先生此游者惟東坡和陶
云我昔登胸山出日觀蒼涼欲濟東海縣恨無
石橋梁其卽有慕於先生之遊乎道光壬辰余
以鹺事來海州登雲臺陟金牛清風二頂望海
作詩屬而和者數百人迨甲午復以奉

命巡閱至東海營歷覽東磊漁灣田橫高公諸島海
天萬里水波不興令人有脫屣三山之意已而

入宿城憩法起巖壑幽深爭流競秀野花琪草
蔚於雲際時鳥發聲出林間與潺潺懸泉相響
應而山田又甚渥無水旱憂其民淳古或老死
不至城市真別有天地非人間者明年入覲
上詢及海州帶刀佩劍之風謹對以

德教所漸雞犬桑麻海滋清晏因及巡閱辨覓雲臺
山後一帶景概

天容有睟謂此境與桃花源何異歸而述之海州人
士咸踴躍奮興感念

聖天子覆幬之

恩光及海表且以知靖節先生之文備在

甲覽而其遠游賦詩之地更不可以無紀也因相度

法起寺之左而建祠焉凡爲屋若干間并捐貲

置田若干畝以爲春秋祭祀及歲修守祠人之

餼斯東海一曠典也山川草木皆起榮光而欣

聖化靖節先生有知當亦快然於黃農之宛在

盛世而桃源不必求之武陵矣謹命筆記之而以末

學所爲先生參軍辨者附錄於後云

陶澍靖節先生爲鎮軍建威參軍辨石刻

按顏延之有晉徵士潯陽陶淵明誄云先生卒

於元嘉四年春秋六十有三以歷推之生於晉
哀帝興寧三年乙丑其詩言投耒去學仕是時
向立年向立者將近三十是以吳斗南何燕泉
皆謂太元十八年癸巳先生年二十九爲江州
祭酒也迨義熙元年先生年四十一從彭澤縣
棄官歸遂不復仕則歸去來辭所序乙巳十一
月也中間兩爲參軍一鎮軍一建威其歲月皆
無可考趙泉山謂佐鎮軍在乙未非也以歸園
田居詩六載去還歸徵之當從乙巳逆數至隆
安三年己亥爲六載本集有始作鎮軍參軍經

曲阿詩在庚子五月從都還之前其詩有登陟
千里及山川行役之語知爲參軍時奉使馳驅
之作所以知參軍不始庚子而始己亥者以庚
子詩有久游戀所生及一欣侍溫顏再喜見友
子等語若其年始出五月卽還是離家不過數
旬安得云久游而一再欣喜若渴晤之津津耶
計先生爲鎮軍參軍正孫恩在會稽起事寇海
上至丹徒旋竄郁洲故參軍往來使事較多時
劉牢之以鎮北將軍開府鎮京口督軍擊賊其
不稱鎮北而稱鎮軍者晉書王恭傳載都督以

北爲號者累有不祥故桓沖王坦之刁彝不受
鎮北之號恭表讓軍號而實惡其名然則牢之
正當恭後持節都督諸軍鎮京口而鎮北適有
時忌先生爲其僚佐不稱鎮北而稱鎮軍正禮
所謂從俗從宜也夫何疑焉至李善注文選引
臧榮緒晉書宋武帝行鎮軍將軍此因其時別
無以鎮軍稱者故以臆謂鎮軍卽裕耳後世如
葉少蘊輩或遂疑先生爲真仕裕而文獻通考
所引晁氏之說則直稱裕爲鎮軍辟先生參其
軍事語更無稽不知裕置畱臺行鎮軍將軍在

元興三年甲辰三月先生方以憂居尋陽明年
三月爲建威將軍劉敬宣使都安能未釋服而
遽爲裕出耶先生辛丑七月赴假江陵聞父訃
祭妹文言昔在江陵重羅天罰是也頻年宅憂
在里故有懷古田舍詩癸卯十二月與敬遠詩
復言寢疾衡門下邈與世相絕又言高蹈非所
攀謬得固窮節以此推之其肯遠涉以干裕哉
若劉敬宣則牢之子與先生爲世好本傳敬
宣與諸葛長民破桓歆於芍陂遷建威將軍江
州刺史鎮尋陽其就近以參軍辟先生宜也通

鑑劉敬宣在尋陽聚糧繕城未嘗無備何無忌等雖敗賴以復振明年乙巳三月乘輿反正於江陵畱臺備法駕遣尚書陶夔迎帝自尋陽達於板橋而先生亦銜建威命使都經錢溪有詩是時安帝復辟光復舊物故有眷彼品物存義聲都未隔之句其使都自爲奉賀復位而往第考史劉毅嘗有憾於敬宣及敬宣爲江州以無功不宜先毅等辭裕不許毅使人言於裕曰敬宣不豫建義間已授郡實爲過優尋復爲江州尤爲駭惋敬宣不自安自表解職是先生此行

或因賀復位而卽爲建威表求解職耶敬宣旋以宣城內史召還而先生亦於八月以叔父夔薦赴彭澤在官八十日卽歸矣其時又有建威將軍劉懷肅者當桓元西潰餘黨四百人襲破尋陽城劉毅遣懷肅討平之及劉毅等擊破馮該懷肅追斬之於石城乙巳三月桓振自鄖襲江陵懷肅與戰於沙橋斬之其人多隨劉毅在江陵非先生所從爲參軍者也先生之不屈於裕史言自高祖王業漸隆不復肯仕觀其贈殷晉安爲太尉參軍云語默自殊勢亦知當乖分

其詞極夾蓋先生自入牢之幕與裕同官早已
察見其不臣之心迹是以拒之甚深至牢之北
府兵最有名幕內人才亦多又嘗由鎮北進號
前將軍晉制左右前後四軍爲鎮衛軍又開府
位從公爲持節都督者增參軍六人文獻通考
參軍總敘云漢有三鎮之稱魏有鎮北之號其
將軍以下屬官有長史有參軍而參軍之曰又
有五曰兵曹曰騎曹均晉置又有錄事參軍倉
曹參軍胄曹參軍注並云晉元帝爲鎮東將軍
置謂之衛佐並爲美職此又牢之可稱鎮軍而

得辟參軍之明證也考晉書牢之參軍著於時
者劉裕而外尙有張暢之劉襲併先生爲四而
先生名尤高以時方競武故史不載而但見於
詩然下視諸人已不啻鳳凰之於飛鳥矣

陳鑿靖節先生爲鎮軍建威參軍辨跋

石刻

靖節先生處晉宋之間爲逸民爲徵士出處顯
晦皦然不淄後人以考古之不審或疑其爲宋
祖所辟蓋自書麗選注一誤而襲繆者千有餘
年夫論人必原其心考古必核其世靖節一飯
不苟豈肯輕於一出者 宮保長沙陶雲汀先

雲臺新志 卷第七 四
生甄綜史傳證以靖節之詩年經事緯考据詳
覈始知鎮軍之非劉裕建威之爲敬宣而後靖
節心蹟大白於世彼昭明惜其閒情輞川訾其
乞食曾何傷於日月乎先生以經世宰物之餘
力訂千古之疑柴桑高節得先生而益彰何其
偉歟海州之人旣建靖節祠於雲臺山並刊先
生所爲鎮軍參軍辨於石以示後世而鑿爲之
跋得以附名簡末惟檇昧無似不獲引伸一二
執筆祇惕有餘愧焉

童濂晉鎮軍參軍陶靖節先生祠堂膳田記石刻

東海之人旣建靖節先生祠堂於雲臺山麓僉
籌所以奉餽馨者將置膳田以永之會票鹽大
暢四方歆義嚮風輻輳景附購良田於夾谷之
野合一百零三畝一分權一歲所入足供四時
薦茹及守祠人月餼之需其正契八紙粘連契
尾存貯兩淮海州鹽運分司庫中濂與總辦票
鹽委員知海州事懷寧王公復會印副契批明
原委發交守祠僧祖琪永遠遵守而祖琪以名
賢祠堂應有膳田之記乞文以壽諸貞珉濂惟
禮之祭法凡勤事定國禦菑捍患咸列祀典而

以法施於民爲首端法者先王治世之具也三代以下逮乎漢京法綦備矣而能持法之本與善通法之變者其施於民也厥功尤偉林和靖之言曰淵明無功德及人而名節與功臣義士等朱子稱其惓惓於天命民彝君臣父子大倫大法之所在蓋其能持名節之正亦善濟倫法之窮亮節清芬允足廉頑立懦若靖節先生者其亦禮所謂法施於民者歟今者桃源三記上邀

玉音而海上游蹤新登山志聞先生之風者覺雲臺

彌高而東海彌深焉海州自我

宮保長沙公改行票鹽以來有禺筴之饒無水仙之警風淳財阜遠軼當日桃源海隅蒼生含和泳澤其帶經而鼓篋者敬聞

天語褒嘉又親睹崇祠創建知靖節先生曾游是邦欣欣相告雖下至疇丁亭戶無不仰企高潔激濁揚清曉然於義利之不可不辨洵乎法施於民有感之而立應者固合於禮之祭法也卽此膳田無多而課晴問雨康樂和親真如桃花源記所云阡陌交通雞犬相聞者山僧緯耒佩犢

奉祠於春柳秋菊之間其亦知羲皇化宇即在
盛世之桑麻也夫

雲臺新志卷第八
勝蹟下
三元殿西此殿
顧乾雲臺山三十六景
城市晨煙
顧志山南鳳凰城為宋平章賈似道築累石為牆
枕山控海城中居民稠密晨起炊煙望之如霧
靈山香會
清風頂三元聖宮坐蒼梧絕頂四環滄海萬象森
羅遠近香火虔趨不絕孟春尤盛每於上元前後
朝山者如歸市焉

雲臺新志卷第八

勝蹟

下

三元殿西此殿

顧乾雲臺山三十六景

城市晨煙

顧志山南鳳凰城為宋平章賈似道築累石為牆

枕山控海城中居民稠密晨起炊煙望之如霧

靈山香會

清風頂三元聖宮坐蒼梧絕頂四環滄海萬象森

羅遠近香火虔趨不絕孟春尤盛每於上元前後

朝山者如歸市焉

仙境朝參

自山下至清風頂歷竹節嶺過南天門萬壽橋始詣聖宮百步九折捫歷層巒真仙界也

神泉普潤

三元殿東上一里許有水簾洞洞中石泉極淺而冬令不竭水甚甘美相傳爲三元修真之所郡守王同題字其上

松谿聽月

松谿在三元殿西地藏庵後松柏滿山下臨溪澗上有聽月樓每遇風清月朗松濤鼓籟聽之有絕

塵之想

竹澗迎涼

孔雀溝多生叢竹翠碧參天夏月納涼令人忘暑社林春遊

諸吳村社林山舊有土穀神祠桃李成蹊山花如繡爲春社冶遊之所

半山野眺

關裏後村鏡子崖下構有草亭爲予兄弟讀書別墅雖無池館之盛然竹樹森環亦幽棲勝概

水村穫稼

關裏前村四山迴合土沃民勤水田稼穡秋成最盛

海浦觀漁

水流村前接海灘一望無際秋水瀾漫漁罾競出頗有煙波勝景

山樓望日

後頂有海曙樓晨起登樓望海中朝旭初昇紅霞

萬頃洵山海奇觀

案海曙樓久圯道光甲午重建

沙渚聽潮

凌洲南于公疇爲產鹽之所逼近海洋朝夕潮聲

如聞雷鼓

凌洲春柳

凌洲村在關東北背山面水萬柳爭環每至早春

新綠初齊宛然如畫

東磊朱櫻

雲臺櫻桃處處皆佳東磊尤盛四月間火珠萬點

錯落山林遊人競觀就樹飽噉

石橋流水

山東村前環大澗上有石橋千章古木兩岸清陰流水潺湲最爲澄澈

孤村茅店

諸麻村為東山要路村有客店青帘招颺茅屋蕭
疎白饒野趣

祇林銀杏

隔村崇善寺有銀杏二株皆數百年物村人呼為
神樹

梅嶺香雲

黃泥嶺在諸曹村北山多梅花延亘數里白雲滿
天暗香郁馥大有羅浮風景

楓葉霜寒

牛王廟村山多楓樹秋霜漸老紅葉滿林二月春
花殆不及也

金湖潮信

萬金湖在沃壤村南北抵山東西通海早潮夕汐
應候無差居民以之驗晷刻焉

謹按萬金湖
今為平地

荒祠春會

新縣孝婦祠三月三日居民競為賽會百戲雜陳
遠近爭赴亦山中一樂事

山寺晨鐘

法起寺在宿城村山中自漢創建叢林極盛晨鐘

暮鼓清梵遠聞爲清修勝地

萬樹參天

諸季村卽諸韓山古木以萬計高標雲外碧障蔽
天爲山中第一勝境

三潭汲浪

漁灣有龍潭三日老潭二潭三潭相距數武潭水
歎薄殷殷若雷

古觀祥雲

巨平村南祥雲觀前有二池相傳池中常出祥雲

鑪峰霽雪

虎窩山頂有香鑪峰最高峻每逢霽雪累月不消

望之如玉山然

平野春耕

平山村在諸韓湖北田土沃饒民力勤苦春時叱
牛聲羣相倚和

石城秋牧

石城村爲墟溝營海防重地秋高草肥牧騎遍野
有落日西風蕭蕭班馬之象

梵宮竹徑

當路村東山華嚴庵長廊古殿曲徑通幽修竹成

雲臺新志 卷第八
林自然深窾

石澗桃花

小村桃花澗花滿巖谷相傳殷氏女種桃於此事
雖不經然三春錦繡亦自燦然可觀

釣臺夜月

東山村有釣魚臺卽孫家山也相傳爲蕭望之釣
魚處危崖壁立怪石森聳坐此玩月實爲佳境

西墅晚霞

西石村卽西墅商賈輻輳每遇晚晴時紅霞照耀
掩映於漁罾蟹簞間

石壁洞天

三元聖殿東有二石相對高數十丈兩峰欲合中
露一綫天光旁有嘯雲朝陽諸洞承露石說經臺
並在左右側其間名人題刻最多

仙宮碑篆

大村鬱林觀創自唐開元間唐宋碑文徧刻兩壁
雖落蘚斑駁不可盡識而金薤琳瑯著名遠近求
搨本者殆無虛日

古塔穿雲

大村海清寺傍古塔高聳雲間遠近瞻仰

長橋飛瀑

大村九龍橋爲九澗匯流之所飛瀑半空聲聞數里一名萬壽橋登山者必經此

黃申瑾雲臺山二十四景

鹽池匯寶

黃申瑾雲臺圖說登山者必宿板浦場市市後爲鹽池歲產百萬金錢爲商賈輻輳之地

沙堤接引

板浦至山足五十里舊從黑風口舟渡右至鳳凰城左至山東莊數十年前海水壅沙成堤始有道

直接山巔無風波不測之患途中復建草庵以供行人憩息

雲村鍾瑞

山麓有兌村相傳三元大帝降生於此慈雲繚繞瑞靄氤氳迥非凡境

塔影團圓

雲臺山有前頂後頂皆稱勝境此爲前頂登山之始有團圓宮內肖三元大帝三藏禪師像蓋其昆仲四人也並肖帝父母像祖墓在其側

雲護天門

雲臺新志 卷第八
由草庵左折從南天門至萬壽橋爲登大殿之正
路右折從山東莊亦經萬壽橋爲登大殿之捷徑
然遊覽勝境必取正路爲佳羣峰環拱雲氣卷舒
豁人心目真令觀者有物外之想

九澗爭流

山間細流甚多大者從澗迅注其數有九隨徑曲
折聲韻泠然可聽

龍橋噴雪

九澗之水匯流橋下故名九龍橋側有九龍廟一
名萬壽橋由草庵左折或右折登山者皆取道於

此水激若雷聲震一山

雲臺鋪海

此三元大帝正殿也殿以上爲藏經閣將曉洞雲
滾滾而昇若銀濤狀久之殿閣皆失日出則金光
閃爍平鋪似海海上山山上雲不知是雲是海覺
人山雲海飄然欲動移時始散老衲說此累月經
時不得見者

紅濤浴日

望日樓在前頂上味爽望東海日出大如車蓋赤
若丹砂與波濤相起伏雲天山海萬象皆紅洵偉

觀也

謹案望日樓即海曙樓道光甲午重建

後頂觀潮

此為山陰後頂也倚崖構殿亦奉三元大帝像前頂向南一帶有沙堤鹽市村舍田廬水面尚小後頂則向北極目大洋茫茫天水相接早潮晚汐空闊無際

屏竹松風

後頂稍下左折轉屏竹社為老衲子蘭棲禪處松枝如織風來聲若洪濤有一松傾臥虛崖天矯偃蓋古致不可狀名曰睡松

天通一綫

由屏竹社左折經正殿而東有二石相夾高十數丈交其頭而離其身中露一縫寬尺餘從縫中望石外天色纔如一綫號稱佳境

石枕流泉

由一綫天而登有大石欹臥崖下水從石罅出騰沸四流濺珠噴玉其聲鏗然

別峰桃霧

由臥石而登有石名別峰極峻峭桃最盛花開時爛如紅霧

萬嶺飛雪

由一綫天而登至萬嶺望海水蒼茫風濤如雪而當急雪舞風之時空濛一白更為奇幻之境

東磊奇石

此以下鐘鼎勝境也東磊一名磊裏有石大如屋三石層疊而成其體輪囷離奇欹傾欲倒而一帶巖壑濃秀山徑高下殿廊隱見令遊者應接不暇

平臺水月

此鐘鼎正殿也殿前距崖累石起平臺高深不知幾許東望海天三山可接而蟾光耀金靜影沉碧

更堪玩賞

潮吞雙島

平臺前望海面二十里許有雙石對峙如門狀若蝦蟆名大金蟬島小金蟬島潮汐擁門而入其勢如吞最可觀也

斗閣鄰天

斗姥閣上倚絕崖飛閣凌空下臨無極雲氣膠山不斷常聞雷雨在下上界清朗如故

丹洞花光

有洞名紫丹深廣可容數人常有道者修煉於此

春花灼豔多不知名

龍潭風雨

斷崖周匝如幄下爲龍潭傳有龍藏其中風雨之時雲與潭接頃之水光接天矣

屏山疊翠

山體迴合如屏雲樹映帶宛若畫圖一稱翠屏山仙橋霽雪

昔有修道於此山仙去者今名仙人橋千崖萬壑頰黛相間雪霽點染更爲耐觀

風磬雲鐘

法起取名其義未詳鐘鼎至此三四十里地極幽僻人跡罕遊爲雲臺山之尾四方商賈多向此唵誦三官經懺鐘磬之音嫋嫋山谷間大抵前頂後頂法起皆棲僧惟鐘鼎多棲道者

